

## ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **SHSKUK - SHËRBIMI SPITALOR KLINIK UNIVERZITARE I KOSOVËS**

Për Aktivitetin e Prokurimit:

Nr i Prokurimit	00220-25-3255-1-1-1
Nr i brendshëm	220-25-049-1-1-1

Sa i përket tenderit për: **“Furnizim me Barna nga LE për nevojat SHSKUK ” Lot 4.**

### ANKESË

#### 1. Identifikimi i ankuesit\*

**Liri - Med SH.P.K.**

(Shëno emrin e plotë të kompanisë suaj)

**Rruga Agim Ramadani nr.80**

(Adresa)

**Prishtinë**

**10 000**

(Vendi)

(Kodi postar)

**044-197-571**

**N/A**

(Numri Telefonit)

(Numri i Faks-it)

**Lirim Mustafa**


(Emri i plotë i përfaqësuesit të kompanisë suaj)

**Tenders.lirimed@gmail.com**

(Adresa elektronike)

**14.05.2025**

(Data e parashtrimit të ankesës)



(Nënshkrimi dhe vula)

\*Ankues do të thotë një palë e interesuar për parashtrim të ankesës.

## 2. Identifikimi i avokatit

*Parashtruesi i ankesës mund ta parashtroj ankesën vetëm ose përmes avokatit të tij. Nëse ankesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.*

*Shëno të dhënat si në vijim:*

(Emri i avokatit)

(Adresa e plotë)

(Numri i Telefonit)

(Numri i faks-it)

(Adresa elektronike)

(Data e parashtrimit të ankesës)

(Nënshkrimi dhe vula)

## 3. Të dhënat mbi aktivitetin e prokurimit

*[Shëno një përshkrim të shkurtër lidhur me datën dhe vendin në të cilën është publikuar “Njoftimi për Kontratë” apo “Njoftimi për konkurs të projektimit” dhe, nëse aplikohet “Njoftimi për dhënie të Kontratës”, “Njoftimi për Rezultatet e Konkursit të Projektimit” apo “Njoftimi për anulim të aktivitetit të prokurimit”, nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës].*

Data e njoftimit për kontratë: 18.04..2025  
Hapja e ofertave, e planifikuar: 14.05.2025  
Kërkesa për rishqyrtim: 06.05.2025  
Vendimi për kërkesën për rishqyrtim: 07.05.2025

## 4. Procesi i Hapjes së tenderëve, nëse aplikohet

*A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.*

**Po**

☐

**Jo**

☐

## 5. Njoftimi mbi Eliminimin e Tenderuesve, nëse aplikohet

*A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?*

Po

☐

Jo

☐

## 6. Zgjidhja preliminare e mosmarrëveshjeve

*A keni bërë kërkesë për rishqyrtim pranë AK lidhur me arsyet e eliminimit tuaj?*

Po

☒

Jo

☐

## 7. Dispozitat e shkelura nga Autoriteti Kontraktues

*Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.*

**Neni 1 i LPP-së**  
**Neni 7 i LPP-së**  
**Neni 27 i LPP-së**  
**Neni 69 i LPP-së**  
**Neni 17.7 i Rregullores nr.001/2022 për Prokurim Publik**  
**Neni 25 i Rregullores nr.001/2022 për Prokurim Publik**  
**Vendimi i OSHP-së Nr.199/25 i dt.05.05.2025-Rast identik**

*\*\* Sipas Nenit 118 të LPP, OSHP-ja do të kthej tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.*

## 8. Deklaratë detale mbi faktet dhe argumentet

*Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuara për faktet dhe argumentet të cilat mbështesin secilën bazë të ankesës tuaj.*

Ne pasi kemi analizuar dosjen e tenderit dhe specifikat teknike të këtij aktiviteti të prokurimit, kemi vërejtur se autoriteti kontraktues ka përgatitur dosjen e tenderit në kundërshtim me nenin 27 të LPP-së dhe në kundërshtim me listën esenciale, për faktet të cilat do ti sqarojmë më poshtë:

Me vendimin e Ministrisë së Shëndetësisë nr.89/IV/2024 të dt.05.04.2024, për ndryshim-plotësimin e Listës esenciale të nivelit primar, sekondar dhe terciar të barnave dhe materialit shpenzues e cila mbulohet nga Buxheti i Republikës së Kosovës, është marr vendimi për ndryshimin dhe plotësimin e listës esenciale. Me të njëjtin vendim është obliguar Sekretariati i Përgjithshëm i Ministrisë së

Shëndetësisë ti njoftoj të gjitha institucionet për zbatimin e listës së barnave esenciale dhe materialit shpenzues.

Kur analizohet lista e ndryshuar me vendimin e lartcekur, në fund të listës esenciale shkruan si në vijim:

Preparatet biosimilare porositen vetëm nëse janë në listën e aprovuar nga EMA	
Përdorimi i antibiotikëve bëhet sipas udhëzuesit për përdorimin e antibiotikëve në KPSH (MSH, 2023)	

Shih linkun si në vijim:

<https://msh.rks.gov.net/Documents/DownloadDocument?fileName=Vendi43450841.7098.pdf>

Përderisa një kërkesë e tillë është specifikuar në listën esenciale, atëherë kërkojmë që për produktet Biosimilare, të kërkuara për Lot 4, të specifikohet dhe vendoset kërkesa në dosje të tenderit si në vijim “Preparatet biosimilare porositen vetëm nëse ato produkte janë në listën e aprovuar nga Agjencia Europiane e Barnave (EMA).

Siç është e njohur barnat biosimilare ndikojnë drejtpërdrejt në shëndetin e pacientëve, andaj kërkesa jonë që në dosje të tenderit të përcaktohet dhe të vendoset që të porositen vetëm produktet e aprovuara nga EMA krijon siguri shëndetësore dhe njëkohësisht redukton mundësinë e trajtimit të pacientëve me barna dhe produkte të pasigurta dhe njëkohësisht e njëjta kërkesë do të ishte në përputhje të plotë me listën esenciale.

Në mungesë të një kërkesë të tillë, atëherë në këtë aktivitet të prokurimit do të mund të ofertojnë kompani të cilat posedojnë produkte biosimilare me standarde të pasigurta dhe më të ulëta në cilësi, të cilat nuk janë në përputhje me rekomandimet ndërkombëtare, duke rrezikuar efikasitetin dhe sigurinë e trajtimit.

Pra, një kërkesë e tillë është e domosdoshme të vendoset në dosje të tenderit për të siguruar që produktet e furnizuara për Lot 4 të jenë në përputhje me standardet më të larta farmaceutike dhe të mbrojnë shëndetin e pacientëve.

**Kjo është konfirmuar edhe me vendimin e OSHP-së Nr.2025/00193 i dt.05.05.2025**

Ne me dt.07.05.2025 kemi pranuar vendimin për aprovim të pjesërishëm të kërkesës për rishqyrtim, ku AK-ja e ka cekur si në vijim:

Në bazë të pretendimeve ankimore të lartcekura Autoriteti Kontraktuesi i SHSKUK-së pjesërisht aprovon kërkesën për rishqyrtim për Lot-4 si të bazuar, Lot-4 produkti **enoxaparin, 40 mg/0.4 mL, Originatori dhe biosimilarët** anulohet në këtë fazë dhe do të vazhdojmë me lotetet tjera pas definimit lidhur me kriteret të cilat do të vendosen AK-SHSHKUK me AKPPM-në ky produkt do të iniciohet përsëri.

Kjo arsye për anulim është e paqëndrueshme dhe e pa bazuar, pasi që nuk ka nevojë të anulohet ky Lot por vetëm duhet të bëhen ndryshimet e dosjes së tenderit, normalisht sipas udhëzimeve të panelit shqyrtues në vendimin Nr.2025/00193 i dt.05.05.2025 sepse rasti është identik që është trajtuar me këtë vendim.

Arsyetimi i AK-së për anulim të këtij Loti është i paqëndrueshëm për faktin se çdo kërkesë e dosjes së tenderit për furnizim me produkte biosimilare apo produkte të tjera duhet të jetë në përputhje të plotë me listën esenciale. Përderisa në listën esenciale është përcaktuar një kërkesë e tillë, andaj në asnjë mënyrë nuk mund dhe nuk duhet të thuhet se për çdo produkt medicinal i cili është i pajisur me certifikatë dhe autorizim marketing të lëshuar nga AKPPM konsiderohet i sigurtë.

Lista esenciale është e detyrueshme të zbatohet nga të gjitha institucionet dhe një gjë e tillë është specifikuar qartë edhe në vendimin e Ministrit të Shëndetësisë nr.89/IV/2024 të dt.05.04.2024, për

ndryshim-plotësimin e Listës esenciale të nivelit primar, sekondar dhe terciar të barnave dhe materialit shpenzues e cila mbulohet nga Buxheti i Republikës së Kosovës, përkatësisht tek pika III e vendimit.

**III. Obligohet Sekretari i Përgjithshëm i Ministrisë së Shëndetësisë t'i njoftojë të gjitha institucionet për zbatimin e listës së barnave esenciale dhe materialit shpenzues.**

Mos specifikimi i kërkesave të lartcekura është në kundërshtim me nenin 7 të LPP-së përkatësisht paragrafët 1, 2, 3 dhe 6. Paragrafi 1 i nenit 7 parasheh qartë që *“Autoriteti kontraktues do të trajtojë operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente”*.

Paragrafi 6 i dispozitës së nenit 7 parasheh qartë : *Gjatë udhëheqjes së aktiviteteve të prokurimit, të gjitha autoritetet kontraktuese do të sigurojnë; (i) pjesëmarrjen sa më të gjerë të mundshme të operatorëve të interesuar ekonomik lidhur me çmimin dhe lëndën e prokurimit”*.

Duke u bazuar në të gjitha dëshmitë dhe kundërshtimet tona që u cekën më lartë, rezulton se dosja e tenderit nuk është përpiluar në harmoni me nenin 27 të LPP-së dhe njëkohësisht nuk është pas parasysh as nenin 17.7 i Rregullores nr.001/2022 për Prokurim Publik ku shkruan qartë që *“Dosja e tenderit do të përgatitet në mënyrë që nuk: Kufizon konkurrencën në mesin e OE, ose Diskriminon kundër ose vepron në favor të një ose më shumë OE-ve”*.

Duke u bazuar në të gjitha ato që u përmendën më lartë, rezulton se në këtë mënyrë nuk mund të arrihet qëllimi i LPP-së, siç parashihet në nenin 1 të këtij ligji, e ku shkruan qartë: *Qëllimi i këtij ligji është të siguroj mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.*

Mos specifikimi i kërkesave të lartcekura është në kundërshtim me nenin 7 paragrafi 1, 3, 4 dhe 6 të LPP-së, sepse në këta paragraf parashihet qartë që operatorët ekonomik nuk mund të diskriminohen në asnjë mënyrë dhe në asnjë variant.

Duke u bazuar në faktet që u përmenden më lartë, kërkojmë nga Organi Shqyrtues i Prokurimit që të shqyrtoj ankesën tonë dhe të nxjerr:

**VENDIM**

**APROVOHET**, si e bazuar ankesa e **OE Liri - Med SH.P.K.**

**NDRYSHOHEN** kërkesat, që u cekën më lartë nga ana jonë dhe pastaj të veprohet konform nenit 53.7 të LPP-së.

Nëse nuk merren parasysh faktet tona, ne jemi të detyruar të vazhdojmë procedurën ligjore në institucionet tjera kompetente.

**9. Dëmet materiale**

*Përshkruaj mënyrën se si shkelja e supozuar i ka shkaktuar ose kërcënohet t'i shkaktojë dëme materiale parashtruesit të ankesës, ne rast se përfshini pretendime për kompensim.*

Dëmet materiale akoma nuk janë llogaritur sepse jemi në fazën e njoftimit për kontratë

## **10. Lista e dokumenteve (dëshmime) të bashkangjitura**

*Nëse aplikohet, bashkëngjitni Ankesës dokumentet e renditura më poshtë:*

- a) një kopje të publikimit të “Njoftimit për Kontratë” apo “Njoftimit për Konkurs të Projektimit.*
- b) një kopje të publikimit për “Njoftimin e Dhënies së Kontratës” apo “Njoftimin për Rezultatet e Konkursit të Projektimit” apo “Njoftimit për Anulim”.*
- c) një kopje të letrës së eliminimit të tenderuesit/kandidatit/ letrës se tenderuesit të pasuksesshëm/ letrës për mos para-kualifikim.*
- d) një kopje të procesverbalit të hapjes publike të tenderëve, nëse aplikohet,*
- e) bashkëngjit një kopje të vendimit të miratuar nga AK gjatë kontekstit paraprak të zgjidhjes së mosmarrëveshjeve në përputhje me nenin 108A të LPP-se,*
- f) Dëshminë e pagesës së tarifës së ankimit në përputhje me nenin 118 të LPP-se, dhe*
- g) të gjitha korrespondencat e juaja me autoritetin kontraktues duke përfshirë e-mailat si dhe çdo informatë të shkruar që ka të bëjë me këtë aktivitet prokurimi, si dhe me secilin pretendim të paraqitur në ankesë.*

*\*\*\*Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.*